

Palo ya pele ya R4.1bn yeo e kgopetšwego go mokgwatšhomo pitša-pedi wa phenšene.

Tshwane, 11 Setemere 2024 – Ditirelo tša Motšhelo tša Afrika Borwa (SARS) di amogetše palomoka ya 161,607 ya dikgopelo tša ditaelo tša motšhelo. Se se akaretša ditaelo tše di khansetšwego. Palo ya 159, 853 e amana le Dikholego tša Dikgogo tša Dipolokelo, tše e lego 98.9% ya palomoka ya dikgopelo tše di amogetšwego go tloga ka Sontaga ka la 1 go fihla ka la 10 Setemere 2024, se se ra gore SARS e amogetše palogare ya dikgopelo tše 17,964 tša taetšo ya motšhelo ka letšatši.

Palo ya kroso ya dipalotlao tša dikgopelo tše di amogetšwego e dira palomoka ya R4.1 billion.

Khomišinare wa SARS Edward Kieswetter o boletše gore dikabelo tše di dirilwego go phenšene le sekhwama sa go rola modiro di be di sa tšheledišwa ka nako ya tefelo go sekhwama eupša e fegilwe go fihlela ge motho a rola modiro gomme e tla tšheledišwa ka tekanyo ya go fokotšwa. Le ge go le bjalo, ge motho ka noši a dira kgogo go na bjale, o tla tšheledišwa ka tekanyo ya gagwe ya motšhelo.

Khomišinare Kieswetter o boletše gore, “Dikgopelo tša ditaelo tša motšhelo di romelwa go SARS ke molaodi wa sekhwama ka eFiling. Ditaelo di laetša go sekhwama gore ke motšhelo o mo kaakang wo o swanetšego go swarelelwa ke sekhwama legatong la SARS pele ga tefelo.

“Balefela motšhelo bao ba kolotago SARS tšhelete ba swanetše go lemoga gore sekoloto se sa motšhelo se tlo tlaleletšwa go motšhelo ka kgogo go tšwa go kholego ya dipolokelo. Eupša ge eba go na le dipeakanyo tša tefelo tše di dirilwego le SARS, sekoloto se se tla gogwa go ya ka tumelelano magareng ga SARS le Molefela motšhelo. Sekoloto sa motšhelo seo se fegilwego se ka se gogwe,” gwa realo Khomišinare Kieswetter.

O laeditše gore nako ya mafelelo ya SARS ya go fetša dikgopelo tša ditaelo, ntle le kamano efe goba efe ya motho, ke mo diiring tša go se fete tše 24.

Dikanale tše di dirišitšwego ke balefela motšhelo go hwetša tshedimošo enngwe go tšwa ka SARS ka gao mokgwatšhomo o mompsha di akaretša *SARS Online Query System* go wepsaete ya SARS le kanale ya SARS ya WhatsApp – 0800 11 7277 fao balefela motšhelo ba ka dirago ditlhakantšho tša motšhelo go hwetša tekanyo ya dikgogo tša bona tša mokgwatšhomo wa pitša-pedi wa phenšene.

Bakgopedi ba fa mabaka a mararo gore ke ka lebaka la eng ba nyaka go dira dikgogo go tšwa go mokgwatšhomo o mompsha: phetišo ka lebaka la tlhalano, phetišo go sekhwama sa go rola modiro le kgogo ya molefela motšhelo.

Bjale ka ge maemo a fetoga tšatši ka tšatši, SARS e tlo fana ka tshedimošo ya go mpshafatšwa ya nako le nako ka ga palo ya dikgogo.

Go hwetša tshedimošo enngwe, ka kgopelo ikgokaganye le SARS go SARSMedia@sars.gov.za

SEPHETHO.